



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Ad Leonem X. Pontificem Maximvm**

**[Straßburg], 1519**

**VD16 L 3409**

Conclvsio L.

**urn:nbn:de:hbz:466:1-34717**

mitti pœnas, quã ut ferrent inuire, ueruntamē ista uoluntate eis permiffa propter maius malū uitandū, nō debent secure frui, ne q̄ in ea cōfidere, sed eo magis dolere, & timere quod tales sunt, qui egent propter maius malū in minore malo relinqui. Quando uiderunt etiã eos timere, qui feruentiffime in bono pficiunt ideo dixi esse nocētiffimas, si sine timore de tali licentia gaudeāt

CONCLUSIO L.

Docendī sunt Christiani, quod si Papa noffet exactiones uenialium prædicatorum, mallet Basilicam S. Petri in cines ire, quã ædificari cute, carnibus & ossibus ouium suarū.

SIC enim nostri uenatores robustiffimi, postq̄ omni Christianæ uitæ ordini statū pecuniæ numerū indixissent, tandē & uxores mendicare docent, etiã inuito uiro, & Fratres mendicantes, etiã iuuitis prælatis suis, alicunde corradere, ut oīno nullus sit, qui residuū oboli habet, quin huc tribuat. Deniq̄ factū est, ut tunicas etiam uendere hortentur, aut undecūq̄ mutuare. quod & factū dicitur. Ego uero sapio, quod cū indulgentiæ sit uiliffimū bonum oīm bonorū ecclesiæ, nec nisi uiliffimis ecclesiæ donandū. deinde nec meritoriū, nec utile, sed plerumq̄ nocentiffimū, si non sint timorati, q̄d maledictione digna sit talis doctrina, & contra mandata dei. Vxor enim debet sub uiri potestate esse, & eo inuito nihil facere, etiam si esset meritoriū, multominus mendicare pro uenijs sibi nō necessarijs forte. Tum religiosi suam obedientiã seruare etiam si possent alibi martyrio coronari, nec papa unq̄ intendit contrariū, sed falsi interpretes illius. Alius uomat stomachū, ego me cohibeo. unū dico, hinc saltem intelligo lector, an nō suis prædicationibus pestilentiosus id agant ut populū credere faciant, quasi sit salus in uenijs, & uera dei gratia, alioquin quomodo tā anxie eas cōmendarent, ut opera meritoria, & mandata dei propter illas irrita facerent. Adhuc tamē sunt adeo nō hæretici, ut glorientur se hæreticorū persecutores.

Hoc scilicet uoluit papa, ut homines suæ curæ commissi, propter lapides & ligna usq̄ ad uiuam cutem radatur: immo ut pestilentibus doctrinis ab istis latronibus & furibus (ut Christus ait) mactentur & perdatur. Melius erat Cæsarem illum habere, qui dixit, Boni pastoris esse oues tundere, non deglubere. At ij non



M. L. RESOLUTIONES DE VIRTUTE IN  
deglubunt modo, sed deuorant eos corpore & anima, uere sepulchrum patens guttur eorum, linguis suis &c.

CONCLUSIO LI.

Docendi sunt Christiani, quod papa sicut debet, ita uellet etiam uendita (si opus sit) basilica S. Petri, dare illis, a quorum plurimis quidam a concionatores ueniarum pecunias eliciunt.

SIC B. Ambro. calices conflauit, pro redimendis captiuis, & B. Paulinus Nolamus seipsum captiuum tradidit, p. suis. Et ad hoc ipsum habet aurum ecclesia, ut est in decretis ex eodem Ambro. sumptum. At nunc bone deus, quanti sunt q. ligna, imo folia portat in syluam, & guttulas suas in mare, id est, obolos suos in marsupium illud cuius (ut Hieronymi uerbis utar) lucet, est totius orbis religio.

CONCLUSIO LII.

Vana est fiducia salutis, per literas ueniarum, etiam si commissarius, imo ipse papa impignoraret animam suam pro illis.

HOC Hoc quoque portentum audent sine omni fronte proferte ut timorem dei ab hominibus tollat, per indulgentiasque secum ad indignationem dei perducant, contra dictum Sap. de peccato propiciato, noli sine metu esse. Et iterum, Delicta quae intelligit. At inquit, Non tollimus timorem dei. Si potest securitas per uenias stare, cum timore dei, uere non tollitis, sed populus acceptis literis, cum tanto iuramenti hiatu commendatis, si timet, quod non sufficiunt literae coram deo, quomodo erit uera, illa gloriosa securitatis promissio: Sin confidit sufficere, quomodo timebit. Infelix sit omnis ille sermo in aeternum, qui securitatem & fiduciam, suadet in aut per rem quamcumque praeter nudam misericordiam dei, quae Christus est. Omnes sancti non solum timent, sed etiam desperantes dicunt, Non intres in iudicium cum seruo tuo domine. Et tu eos per literas securos introducis in iudicium eius. Unde ego illam fabulam, quam quidam in tam effrenes mendacii gurgites finxerunt, non ueritate penitus uacuum credo, scilicet uenisse quendam mortuum cum literis ueniarum ad infernum, per easque petisse libertatem, tunc occurrisse daemone, qui legens, inter manus (praeter feruore ignis) ceram & papyrus consumpsit, secumque traxit in profundum.

CONCLUSIO LIII.